



UNIVERSITÄTS-
BIBLIOTHEK
PADERBORN

Universitätsbibliothek Paderborn

Synopsis Magnalium Divi Josephi

Ignatius < a Sancto Francisco >

Leodii, 1684

Prolud. 3. Fons omnium laudum & encomiorum D. Iosephi sacrum
Evangelium.

urn:nbn:de:hbz:466:1-38500

6 Synopsis Magnalium D. Josephi,

quot annis repeti posse permittimus & indulgemus: Atque semel quot annis repeti posse permittimus & indulgemus: Atque ut semel quotannis Orationem quadraginta Horarum solemniter instituere, ac celebrare (tempore magis commodo à dicta Confraternitane eligendo) possint, concedimus. Præterea dictam Confraternitatem specialibus favoribus & privilegiis prosequi volentes; eam, omnesque & singulos ejus Confratres ac Consolores tam hactenus descriptos, quām in posterū describendos, in speciale protectionem nostram suscipimus, & in Domino amplectimur: ac intentionis nostræ esse ac posthac semper fore declaramus, quod nulla alia similis Confraternitas sub Invocatione S. Josephi in posterū in Civitate nostrâ Leodiensi erigatur, vel ullo modo instituatur, nisi de speciali nostrâ & expressâ facultate, sublatâ ad id quacumque aliter cuiilibet cujuscumque dignitatis & officii concessâ, delegatâ seu demandatâ potestate. Demù ad augendam Fidelium religionem omnibus Christi-fidelibus verè pœnitentibus, ac Sacra Communione refectis, qui Ecclesiam seu Capellam, vel Altare dictæ Confraternitatis in eisdem Festis, & per eorum octavas, & generaliter quācumque Feriâ quartâ cujuslibet hebdomadae per annum visitaverint, & ibidem pro ordinariis Ecclesiæ necessitatibus pias ad Deum preces effuderint, singulis vicibus Quadraginta dierum Indulgencias in formâ Ecclesiæ consuetâ, impertimur & in Domino concedimus per præsentes. Quas in fidem manu nostrâ signatas sigillo nostro iussimus communiri. Datum in Civitate nostrâ Coloniæ 31. Julii 1676.

VII. Hac ergo devotione ita in dies, & quidem apud nos, nova semper incrementa capiente, sensi me animari, ut hanc Scriptione mæ partum olei in istiusmodi ignem injicerem, ut magis accendatur, magisque semper ardeat: ita faxit Deus.

VIII. Secundus finis de hoc Sanctissimo Patriarchâ scribendi est, ut eundem ignem in illorum cordibus, qui necdum ei ita affecti sunt (si tamen sint adhuc aliqui tales) excitem, ut scilicet perspicientes ex dicendis in decursu hujus

Operis hujus Sanctissimi Viri præcelsam dignitatem, Titulos summos, Gratiam illis commensuratam, Virtutes plusquam Angelicas, Sanctitatem supereminenter, Gloriam singularissimam, Authoritatem quâ apud Deum pollet incomparabilem, Amorem & Affectum in suos Clientes & Devotos tenerissimum & pronissimum, Intercessionum ejus apud Deum energiam potentissimam & efficacissimam, Devotionem omnium gentium erga ipsum, illorum maximè quos sequi non pîgeat, idest à sanctitate & doctrinâ insignium incensissimam, extimulentur, ut illius cultui cum aliis se devoveant & addicant, simul cum illis ejus Patrocinium, Tutelam & Protectionem ambiant, & exquirant, certissimeque & ipsi idem quod omnes alii experiantur, ipsius Adjutorium & Intercessionem in omninecessitate quæcumque illa sit, nulli cuiusvis Sancti (si solam ejus Sponsam exceperis) cedere, immò in multis excedere: ut sicut JESUS, MARIA, JOSEPH fuerunt in terris, suntque in celis individui, ita sint in devotione, corde & amoribus nostris.

PROLUDIUM III.

Fons omnium Laudum & Encoriorum D. Josephi, Sacrum Evangelium.

MAGNORUM laudes Virorum vel dicendo, vel scribendo ad placitum audientium vel legentium efferre non parva res est; quare Oratores Panegyrim semper ut nautæ syrtes, vel scopulos timuerunt, utpote ad quam etiam insignes Viri, qui in omni alio dicendi genere famam sibi aliquam comparsa potuerant sapientissime naufragium fecerint.

Hujus ratio difficultatis est invidia, quæ in hunc mundum unâ cum miseria ingressa nos exceccat: quo sit ut quemadmodum oculos aliorum metitis clausos, ita aures eorum laudibus habeamus obstructas, & cum sumus infirmi, miseri, gloriae tamen non minus quam pecuniae avidi & avari, in aliis dolemus

Pars I. Tractatus I.

7

dolemus inveniri, quod in nobis sci-
mus desiderari, arbitramurque illorum
laudibus nostræ gloriæ umbram fieri,
vel etiam detrahi.

III. Sed hæc ratio non habet locum
quando agitur de Sanctis cum Deo in
Cœlo regnantibus: cùm enim illorum
apud nos magna sit opinio & estimatio;
Pietas & Religio approbat pro his elo-
quentiam, ratione suadente Heroes il-
los qui cum Deo regnare in cœlis esse
omnibus humanis laudibus majores.

IV. Non ideò tamen horum cœli Pro-
cerum minùs quam illorum laus diffi-
cili: immò ex aliis capitibus longè dif-
ficiolor: nam cùm nemo nō sciat Sanctos
superasse vitia, domuisse passiones, vo-
luptates fugisse, viciisse dæmones, &
propterea ex hoc mundo in cœlum
translatos cum Deo regnare; laudes si
quas pro illis expectant, non expectant
nisi extraordinarias: Cumque in illis
omne quod humanum est & fragile
per divinam eorum Apotheosis sit ab-
sumptum, arbitrantur meritò illos à
nobis debere tractari potius ut Deos;
quam ut homines, cùm etiam Divi vo-
carentur, quasi patvi Dii.

V. Accedit quod pars maxima Sancto-
rum seculis vixerint à nostro diffisi, ut
proinde memoria perillorū gestorum in-
terierit: quod ipsi sollicitudine perma-
ximā oculos fuderint humanos, solique
Deo, qui videt in abscondito placere
studuerint: quod gratia, quę eorum facit
merita, in cordibus eorum per Spiritum
Sanctum, qui datus est eis diffusa, ibi
etiam ut plurimum operata sit, nec
semper foras eruperit: *Omnis enim gloria
filie Regis ab intus. Psalm. 44. v. 15. &*
Sancti ut Deus parte sui meliore latent.
Sunt denique Stellæ mysticæ de quibus
Propheta Baruch c. 3. v. 35. *Stelle dede-
runt lumen in custodiis suis, & latentes sunt,
vocatae sunt, & dixerunt adsumus, & lu-
xerunt ei cum jucunditate qui fecit illas.*

VI. Tandem si de æternâ illâ gloriâ quâ
perfruuntur in cœlis dicendum, *Cum
nec oculus unquam viderit, nec auris au-
derit, nec in cor hominis ascenderit que
paravitz Deus iis qui diligunt Domini-
num. 1. Corinth. c. 2. Quis illorum glo-
riam ut par est, quis gradus & diffe-
rentias illius explicare poterit? Ergo
laus Sanctorum difficilis: Atqui Opus*

quod hic aggredior, de hoc genere est.
Est, inquam, Panegyris unius è Sanctis,
Divi scilicet Josephi, in quo omnia illa
simul concurrunt à quibus diximus Pa-
negyrim Sanctorum evadere difficile.
Nam & vixit sæculo multis à nostro dis-
sito, & pauca de illo tunc scripta ad ma-
nus nostras pervenerunt: De ni, uelivit
in gratiâ, sive in gloriâ consideretur,
semper parte sui meliore latuit, abscondi
semper ambivit; res ergo difficilis &
ardua.

Sed hic totu: labor ab aliis strenue
desudatus est. His quippe temporibus
postremis scripsierunt de miris & sum-
mis Magnalibus ejus innumeris à do-
ctrinâ, à dignitate, à sanctitate cōspicui:
scripsierunt facili Interpretes, scripsierunt
Theologi, scripserunt Ecclesiastes, scrip-
serunt ante eos SS. Patres, quam ergo
certalaus quæ à tot tantorumque profi-
ciscitur ore virorum? Si verè dixit Ro-
manæ Princeps Eloquentiae Marcus
Tullius Cicero, ut verè dixisse nullus
inficias ibit, quod eaproficitò preclaralaus
sit, qua ab ipsis proficietur, qui semper
ipsi cum laude vixerunt. Certè tot ac-
tantis Principibus placuisse viris non insi-
ma laus est Divi Josephi.

Verùm si tanta ejus laus quod tot
tantorumque virorum ore & calamo
celebratus sit: nonne ea prima erit ac
palmaris quod tantus inventus sit, ut à
Deo ipso, in quem nec deceptio, nec
fraus, nec adulatio, nec ulla animi per-
turbatio, seu passio cadere potest; lau-
dari, ut ipsis Magnalia ipso Dei digito
describi & meruerint & debuerint?

Hic est fons verus & primarius om-
nium laudum D. Josephi: Nam licet ex
mox assertis illius Encomiastibus qui
de illo scripsierunt alii ex aliis, hi & illi
ex Patribus Sanctis quæcumque ferè de
illo tam magnifice protulerunt, omnia
decorpsierint; Patres tamen Sancti ex
Evangelio, tanquam ex fonte primario
illa quæ alii ab aliis & hi ab illis, haufi-
se dignoscuntur. Quid purius ergo,
quid certius, quid solidius illis laudibus
quæ ex tam puro & certo fonte, ex tam
preciosâ venâ sunt depromptæ.

Sed mirantur multi nec sine aliquâ
causâ apparenti quod cùm tanta sit
D. Josephi ut & lectissimæ ac sacratissi-
mæ ejus Sponsæ ac Conjugis Mariæ
Deiparae

I. X.

X.

Synopsis

8 Synopsis Magnalium D. Josephi.

- Deipara decora, qualia nullorum aliorum Sanctorum, tam pauca tamen de utroque; illo & ipsâ divinum dixerit Evangelium. Verum vetus est ex Seneçâ Philosopho Parcemia. *Magni artificis esse totum clausissimum in exiguo.* Et teste Plinio in proemio lib. 37. Natural. Histor. *Ipsa etiam naturae majestas in arctum coacta rerum, nulla sui parte mirabilius.*
- XI. *Denuo ipse, inquit Augustissimus Augustinus epist. 3. quæ est ad Volusianum, non mole magnus est, sed virtute: qui providentia suâ meliorem sensum magis formiculis dedit & apiculis, quam asinis & camelis: quid grano minutissimo fculnea arboris magnitudinem creat, cum ex multo majoribus seminibus longè minora multa nascantur. Qui pupillam tam parvam distinxit acie, quam per oculos emicante, in ista temporis cœlum propè dimidium lustraret: qui ex punto & quasi centro cerebri sensus omnes quinaria distributione diffudit: Qui corde membro tam exiguo vitalem motum per corporis cuncta dispensat, his atque huiusmodi rebus insinuans magna de minimis, qui non est parvus in parvis.*
- XII. Mirari itaque definit quod tam paucata de D. Josepho divinum dicat Evangelium, qui pauca illa penitus inspexerit, profundiusque perscrutabitur; quia in illis paucis maxima inveniet comprehendendi ac eximia, prorsusque talia, quæ nec multis explicari possint: homo enim ut laudet multis eget verbis, Deus verbo absolvit.
- XIII. Sanctorum revolve scripta Evangelistarum quid de D. Josepho in illis reperies? Quod fuerit Vir Mariæ de quânamus est Jesus qui vocatur Christus, Matth. c. 1. v. 16. Quod cum Maria illi despontata inventa esset habens in uto-ro, antequam convenienter, & ipse esset Justus, noluerit eam traducere, sed cogitaverit occulte dimittere eam. Matth. c. 1. v. 18. & 19. Quod hæc eo cogitante apparuit ei Angelus in somnis dicens Joseph Fili David noli timere accipere Mariam Conjugem tuam, &c. simulque ei idem Angelus demandarit ut Filium quem ejus Uxor paritura erat vocaret Jesum, quia ipse salvum facturus erat populum suum à peccatis eorum. Ibidem v. 20. & 21. Quod exurgens à somno fecerit sicut præcepérat ei Angelus, Ibidem v. 24. Quod ascenderit in Bethleem ut ibi profiteretur cum Maria sibi despontata uxori pregnanti. Luc. cap. 2. v. 4. & 5. Quod induxit puerum Jesum in templum impletis purificationis diebus ut faceret secundum consuetudinem legis pro eo, obtulerit que non agnum, sed par turturn aut duos pullas columbarum. Luc. cap. 2. vers. 22. 23. 24. Quod mirabatur cum Maria de his quæ dicebantur de puer. Luc. c. 2. v. 33. Quod illi & Mariæ benedixerit Simeon Senex, ibidem. Quod monitus ab Angelo in somnis, ut acciperet Puerum & Matrem ejus & fugeret in Ægyptum, quia futurum erat, ut Herodes quereret Puerum ad perendum eum, & postea defuncto Herode ut inde rediret in terram Israël, utraque vice consurgens fecerit sicut præcepérat ei Angelus, Matth. cap. 2. v. 13. 14. 19. 20. & 21. Quod audito quod Archilaus regnaret in Iudeâ pro Herode patre timuerit eò ire: Quodque monitus in somnis fecesserit in partes Galileæ, ibid. vers. 22. Quod ibat per singulos annos cum Mariâ uxore suâ in Ierusalem in die solemní Paschæ. Et cum factus esset Jesus annorum duodecim ascendentibus illis Jerosolymam secundum consuetudinem diei festi, consummatisque diebus cum redirent, ibi remanserit Puer Jesus, perditumque cum dolore requisierit & invenerit sedentem in medio Doctorum interrogantem eos, Luc. cap. 2. vers. 41. 42. 43. & 46. Quod descendens cum eo Christus in Nazareth, erat subditus illi, ibidem vers. 51. Præter hæc vix quidquam aliud de eo habent nostri Evangelista.
- XIV. Quàm pauca ista? quàm modica in specie? sed in illis paucis quanta, quàm magna magnarum gratiarum, virtutum & prærogativarum ejus comprehendimus vestigia? Certè talia qualia de Sanctis aliis nec in magnis reperiuntur voluminibus & fastis. Et hoc evidenter patet in tot & tantis quæ ex illis SS. Patres, Interpretes, Doctores congesserunt, Concionatores etiam ex Ambone ad ejus gloriam & commendationem protulerunt, patebitque ex illis quæ per totum hoc Opus dicturi sumus: quibus tamē longè plura non dubito ab aliis nobis fortioribus adjicienda, cùm immensa sint illa quæ sub horum cortice reconduntur.

Quod

XV. Quod ergo de Claudiani stylo gravissimus dixit Sidonius Apollinaris lib. 4. epist. 3. Potiori ego jure de nostrorum dictione Evangelistarum, & maximè in proposito nostro usurpare possum. Tota illa dictio sic succincta quod profluens: rebus ampla, stricta sententiis; que plus docet quam dicit, que paucis verbis multa cohieret: cui cur a fuit causa potius implere quam paginam.

XVI. Quare si mirata sunt tempora nostra (antiqua raccio) Helvetum illum qui Lugduni Ludovico XIII. Galliarum & Navarræ Regi Christianissimo Redium obtulit quatuor equis accuratissimè instructam tantè exilitate, ut totum opus unius unguis non excederet magnitudinem. Si Capocium Senensem Pictorem qui totam Christi patientis historiam, res, actus, personas in suis unguibus est distinctissimè emensus, apud Majol. Canic. Memorial. collat. 25. Si Franciscum Alumnum Scriptorem qui Symbolum Apostolorum & Divi Joannis Evangelium in unius orbiculo denarioli elegantissimè descripsit; quanto magis mirari debemus Sacros Evangelistas qui tam multa D. Josephi decora verbis & lineis complexi sunt tam paucis.

XVII. Cùm itaque tot & tanta Sacri Interpretes, Theologi præstantissimi, Encomiastes Primarii, & Patres Sancti, de D. Josephi magnalibus, & tam magnifice protulerint. Apiculas imitabor quæ ex optimis quibusque floribus succum meliorem colligunt, ex quibus opera sua conficiunt, quæ in alvearibus disponunt in ordinem: ita ego ex iis quæ ab ipsis prolata fuerunt, portiora feligam in hoc Opus, suis quoque locis reponenda.

XVIII. Sed cùm hæc quæ à dictis Scriptoribus proleta fuerunt omnia ex Scripturâ, maximè verò ex sacro Evangelio inventiantur cruta: sitque idem ipsum Evangelium licet verbis tam arctum, sensu ramen tam secundum, ut plura semper & plura ex eo depromi possint, & de facto in dies depromantur ad ejus laudem: Effossores etiam imitabor & Aurifabros, primos quidem qui in fodinas ipsas descendunt, indeque metalla educunt, in quibus postea Aurifabri laborant & ex illis statuas suas conficiunt: ita ego quoq; conabor ex ipsis sa-

cra Scripturæ fodinis, maximè verò ex Evangelii, nonnulla ipse effodere, quæ ab aliis effossa, caue elaborabo pro posse meo, nec verebor exiguitatem meam, hæc cogitatione animatus, quod scilicet hujus Beatissimi Viri merita sint auro vel adamantibus, lapidibusque pretiosis similia, quæ cum scipis satis splendeant, manu rudioris & impoliti artificis pertractata & in opus adducta, non amittunt suum splendorem, pretium aut justum valorem. Cedat utinam hic meus conatus ex voto meo ad gloriam Dei omnipotentis qui in Sanctis suis gloriolus est majorem, & hujus Beatissimi Patris Jesu cultum ampliorem.

PROLUDIUM IV.

Fons Magnalium omnium Divi Josephi, Prædestinationis ejus.



Fonte laudum & encomiorum D. Josephi Patriarchæ gloriissimi, qui est ipsum Dei verbum, ut vidimus Capte præcedenti, recto ordine ac immediatè progreditur ad fontem magnorum ejus magnalium, quem nullus dubitat fuisse æternam ejus ac singularissimam Prædestinationem, de quâ hic.

Nomen porrò Prædestinationis communiter accepit, significat actum illum divinæ voluntatis, quo Deus absolutè & efficaciter statuit homini æternam conferre beatitudinem, sive illa voluntas sit ante, sive post prævisa illius merita: quâ de re Theologi Antiqui in lib. 1. Sentent. & Recentiores in 1. part. D. Thomæ, in quibus vide ex nostris Gregorium Schenicum in novâ Concord. Prædestinat. cum libertate.

Sed licet hanc Deus habuerit voluntatem circa D. Josephum, hæc tamen voluntas non est proptie Prædestinationis ipsius: nam cùm hæc in D. Josepho singularissima fuerit, & accedit ad prædestinationem Mariæ lessissimæ Conjugis suæ, & Christi Filii sui dilectionissimi, habet procul dubio aliquid aliud ratius & præstantius, propeque

B accedens

Synopsis

Magnalium

D.

Josephi

RV

III.

II.

III.